

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XVIII)2

**SOALAN BERTULIS OLEH AHLI KAWASAN PERMATANG BERANGAN
YB. NOR HAFIZAH BINTI OTHMAN**

2. Kerajaan berusaha memberi kesejahteraan rakyat denganmenjanjikan pemansuhan tol Jambatan Pulau Pinang sekiranya menang dalam PRU-14. Bilakah janji pemansuhan tol tersebut akan dilaksanakan?

JAWAPAN OLEH Y.A.B. KETUA MENTERI

2. Jambatan Pulau Pinang telah dibina pada tahun 1985 oleh Kerajaan Persekutuan dengan perjanjian konsesi asal dan tambahan bersama PLUS Berhad yang akan berakhir pada 31 Disember 2038. Pemansuhan tol di Jambatan Pulau Pinang berada di bawah bidang kuasa Kerajaan Persekutuan memandangkan perjanjian konsesi masih belum tamat.

Usaha ke arah pemansuhan tol perlu dikaji dengan teliti, antaranya daripada segi impak komersial, terma-terma kontrak dan pulangan kewangan kepada syarikat konsesi.

Kerajaan Persekutuan perlu mengkaji impak kewangan khasnya yang berkait dengan pemansuhan tol seperti bayaran pampasan kepada syarikat konsesi dan kos-kos penyelenggaraan berdasarkan kontrak tempoh konsesi tol jambatan Pulau Pinang yang masih berbaki 20 tahun.

Walaupun pemansuhan tol Jambatan Pulau Pinang adalah dibawah bidang kuasa Kerajaan Persekutuan, Kerajaan Negeri menyokong penuh pemansuhan tol tersebut jika Kerajaan Persekutuan bersetuju dengan cadangan pemansuhan tol Jambatan Pulau Pinang.

